

بهيمة

لعمارة
الكتاب

Waleed 2012

عصير الكتب للنشر الإلكتروني





فريق جروب

عصير الكتب

<https://www.facebook.com/groups/Book.juice/>

هذا الكتاب حصري على جروب

عصير الكتب

انضم الينا لتحصل على كل ما هو جديد

انچي مطاوع

بهيہ

فواطر

إهداء..

لمن يقرء كلماتي ويبحث عنها .

لمن يتابعها حتى وإن كان ..

بصمت



فريق جروب

عصير الكتب

<https://www.facebook.com/groups/Book.juice/>

هذا الكتاب حصري على جروب

عصير الكتب

انضم الينا لتحصل على كل ما هو جديد

مقدمة

مش ذنبي وأعذرني أنك مجروح بتعاندي مع نفسك علشان ناس جرحوك، مقدرش أساعدك وأداويك، ولا أقف جنبك في مشاكل تموتني بغيرتي لناس غدروك.

مش ذنبي ولا ذنب الناس انك مجروح، ما أحنا مش أطبا، ولا بنعالج ونطيب للناس في جروح، مش ذنبي ولا ذنب الدنيا انك بتقاسي، وبتصرخ بوجع قلب وروح ومحدث حاسس ولا راسي.

مش ذنبي ولا ذنب النبي آدمين أنك بتعاني، ماهي دنيا مليانه أغاني وتشعر أشعار مواويل وأغاني، مش ذنبي ولا ذنب البشر انك بتموت، والقلب يتقطع فتافيت زي السكر بتدوب تتقطع زي التوت.

مش ذنبي ولا ذنب العالم أنك حيران، بين قلب وعقل وروح مساكين ضايعين، وسط أهات التوهه، مش ذنبي ولا ذنب الكون ده كله أنك ضعت، بسبب جرح مآثر ومعلم كأنه سكينه بالقصد في القلب أنزرت.

مش ذنبي ولا ذنب حياتنا أنك مظلوم مقهور، ما هي دنيا ماشية في دايرة، ومهما تقول لها رب معبود يعيدك مجبور، اعذرني يا سيدنا..

ما هو مش ذنبي ومش عارفة أعمل إيه ينسبك، دي الدنيا والكون كله، ما يساع قلب مجروح، مهما قابله قلوب بيضا صافيه عايزة تحميه.

مشكلتك ياللي بعيوبي وبرودي وجفائي ظلمني ورميني، أنك سببتني أرجع تاني بأحلامي وقلبي لواحد تاني. أفرح وأضحك وأعيش وياه ومعاه وبيه بكل كياني.

عارف أنت معاك بحس أني خلاص في عالم متواني، مليون فل وأزهار سعيد وجميل وردي بشكل متوازي، وياه بحس أني خلاص مش صخره مرمية بصحرائي، أني كائن متحول لسعادة وهنى بتملى كوني وهوائي، معاه بحس إني مايه سارحة ما بين كفين شدني، كل ما فيها بينادي عليه يناجي فيه أنثى بكوني، إني إنسانه نسايه لأحزاني ومحقة لأحلامي، أه صحيح عايشه وياه بس بخيالي وأوهامي.

ويكفى فرح أن بسببك بقيت بكتب كتاباتي، عشانك بدئت أحس وأحب وأعيش بحكاياتي، ورغم بعدك إلا أن حبك بجد ملاني آمال، إنت إنسان تاني غير كل العالم وبجد خير ومثالي، عمرك ما حاول يوم تستغلي أو حبي وخيالي وتنساني، مشجعني رغم مشاغلك ومتاعبك أكون إنسان.

معاك بحس الصفا والروقان وأن الدنيا كلها خير يا حبيبي، بتمني لك
الخير تستاهل حتى لومع غيري ومدقتش بابي، بحبك يا سر جمالي
وحياتي وفرحي وحتى شقاوتي، بحبك يا خيالي العايش جوايا يا سر
هنايا وعشتي، بحبك يا سرمالي روجي متعشق بكل ما فيا يا سر
جمالي، يا سيدي وتاج راسي الغالي وبتمني تكون يوم ليا حلالي.

بحبك يا فارس لياليا وأيامي يا كل أمالي وأماني وإيه ذنبي، ده حبك
خلاص نساني مكاني وزماني وعمري يا حبيبي، نساني الدنيا خلاني
أدعي ربي أموت في ثواني، وأروح أشكي لربي أقوله يا رب حبيته وتركني.
يارب أجعلني له حور العين ووحياتك ليه قربني، يارب محولتتش العب
مع غيره خليه بالأخرة يحبني. يارب يتمنى لقايا يلقيني جواه يهواني
يعشقني، يستناني ويدعي لي بالخير ويتمنى حيي وحناني.



فريق جروب

عصير الكتب

<https://www.facebook.com/groups/Book.juice/>

هذا الكتاب حصري على جروب

عصير الكتب

انضم الينا لتحصل على كل ما هو جديد

كناية صغونيه

تعالوا أحيي لكم حكاية صغونيه،،
عن بنت عايشه في الدنيا مفتونه،،
بتشاغل الناس ببساطة.. بنت مجنونه..
عشاها بالطول والعرض ببراءة ووهمانه..
فكرة الدنيا لا حقد وشرولا ناس غيرانه..
تضحك وتمهزز بحب وأهي عايشه حيرانه،،
أصلها في يوم صحيت على حقيقة غريبة..
وبجد كانت لها حاجة بدون داعي ومريبة..
صحبتها خنتها في أسرارها عادي ودي عيبه!!،،
والتاني على أد ما فرح أيامها وساعدها،،
وكتير وقف وياها تحقق أحلامها وساندها،،
ووقت الأزمات كان أخ يأزر ويشد على أيدها،،
أتريه في ضهرها بيقول لعلانه أنها منها غيرانه..
وقالها هي منك غيرانه وحسداكي دي علانه..
ضربها بمقتل بإستهتارة وبيسالها لتكون ندمانه،،

بودانها نفسها سمعت كلمات تثبت لخيانته،،
وبعنها شافت كدبة..
وادبها جربت شخصياً أفلامه ونصباته
ومع ذلك ساكنة بتتفرج على مسلسل هندي..
دراما ملهاش منظر..
وساعات يقلب على تركي..
رومانسي الكل فيه بتمنظر..
وأحياناً مسلسل أسباني...
مافيا وعصابات وطخ توخ وأتكسر المنظر.
وليه وأزاي.. إيه ده.. قهر..
يلا بجد مش فارقة كثير،،
ولا بيهم.. ويلا ما في ضمير..

الصيد

تيجي تصيده يصيدك

قالها

حكيم

زمان

وأنا حاولت أصيد

الجب

الفرح

والهني

لكن للأسف صادني هو

ورماني

هجرني

فارقني

وسبني تاني للوحدة والدموع

ما هما قالوا تيجي تصيده يصيدك

أنا صين

أنا..

الشیطان بأفكاره

الملان بأعبائه

والحیران من ذاته

أنا..

الإنسان بإحساسه

الفن ورقیه

القبح ببشاعته

أنا..

الجاني والمجني علیه

البريء بأفعاله

المتهم بأيامه

أنا..

الحب ویا الكره

الأبيض بتمیزه وبهائه

سواد الشر بصفاته

أنا..

خير ممزوج بمرارة

صبح مع عكسه

والليل بظلم أستاره

أنا..

نهار بكل أحقاده

البائس الحي بأسفاره

وأنا الميت بدنيا ظلماه

أنا هو..

ولأنا مين؟!!!

يا ريت يا دنيا تجاوبيه..

أو..

أبعديني عن عيونه وأخباره

حوليني ضي ينور له أحواله

خديني من الصافية ابتساماته

منا..

ظلمته وبظلمه لسه

لأنه وقع بشر أعماله

وأعلني حبيب لأيامه

باب مقفول

أنا باب مقفول
وراه دنيا براح
خضرا وهوا
من غير أي شجون
فرح وضحكة طفل
شقاوة وغناوي
تنور لضلام الليل
نجوم بتلالي بشحوب
لقمر الكون بتغازل
سواد متغطي بلمعة
وبضي اللولي مغزول
حضن محب ودافي
بنظرة عين عاشق
تنسيك أي هموم

بنو آدم

كلنا بنو آدم
بشر بنهاتي
بزمان هادي
بنحب ونكره
نشكى ونخبي
ونعيش عادي
نسالم ونعادي
في حياه مليانه
موت وميلاد
لأحبابي وأولادي
تيجي أوقات
نضحك نفرح
ونعيش بجمال
ونغنى يوماتي
دايرة حزن
بتلف تحبسننا
وسط أهات وأنين

وظلم عاتي
وأهي دنيا وماشية
لنهاية ومصير محتوم
علينا ديما بينادي
فردين ضلوعنا
وكأنا ملوك الأرض
وكتير نتمادي
نغلط ونعيش
نغلط تاني لكن
جوانا خير متمادي
ما كلنا أولاد آدم
جوانا إيمان
غير عادي

ضل حيطه

قالوا راجل وضله أقوى..
من ضل حيطه
قالوا حماية من أي زيظه
اقبلي وعيشي حياه بسيطةة
كملي حياتك وجيي عيل متبقيش عبيطة
أحلام طموح وأمال كلام هبل
هو أنتي إيه عملنا معاكي اللي ما يتعمل
بتستني ايه بقيتي كبيرة أتجوزي خدي اللقب
اخرجي من دايرة العنوسه..
واطلقي المهم اللقب
مش مشكلة مطلقة بتحصل كثير
بس خافي كلام الناس بيوجع كثير
ومن تاني ضل راجل ولا ضل حيطه
ومن زوج لزوج في عيشه عبيطه

أمنية

إحساس خنيق
تتمنى قلب يضمك
قبل ما تنطق يجاوبك
يقولك معاك وجنبك
إياك تخاف وياك وسندك
يا عم أجمد وقوى قلبك
أتمنى أوي وجودي معاك
للهاية تلقيني حميتك

قلب
وقت ضعفك وقوتك
عقلك وكمان شقاوتك
وقت انهيارك وحاجتك
واقف يصد جنبك

بلاش تهنيدات تحرق لروحك
أوعى تبكي وتشكي لحزنك
من غير كلام صدقني حسك
قرب مني.. ده أنا حمايتك

مش مشاعر رومانسية تضمك
أمنية حماية وأمان باحتوائك
وآه يا قلب لو تيجي وألاقيك
تقولي جنبك أنا وحاميك

هروب

اياك تحزن
وتبكي عنيك
وتعيش محزون
مجنتك
عمائل الكون
هي الدنيا
ديما دايرة
لفة الضحكة
جوه سكون الليل
ومعبية
صوابع الفرحة
جوه زخارف
ألم وأنين
كروفر
هروب وشجون
حب ودمع
مغطي عيون
البيني ادمين
ورد وفل

منور
حروجر
منغص ليالينا
لخبطة
لعبكه
في تشكيلة
ضمننا في الكون
طفل بنحبي
في عنيا
بحنين مدفون
وكله في يوم
يتكافأ ويكون
مجبور
ان سألله يارب
في اليوم الموعد
مع رب الكون

الفرحة

الفرحة
من جوه قلوبنا مسروقة
وكأنها
بخيوط الحزن ملضومة
تشاغلنا
وتجري في ثانية
تلاعبنا الأوله
نطة يمين وتانية شمال
وفي غمضة عين
تروح من بين صوابعنا
الفرحة
ملك للسيرتون
مختفي وفجأة يظهر قدامك
جبار وقوي
يغير كل حياتك
ومن تاني
يختفي وحياتك

الفرحة

وردة وزهرة برية

ملهاش لا عزيز ولا غالي

تروح للي تحبه

تحب تلاغي وتشاغل

الفرحة

طفل بريء

عايش بمزاجه ورايق

لهموم الدنيا ولا داري

الفرحة

قوس ألوان

في حضنه نلعب وننام

وفي الأول والأخر

الفرحة إحساس جوه الإنسان

يا ناس يا بشر

يا ناس يا بشر
قلبي في خطر مر
داب واتفتت وراح للقمر
سبني وعلياً أنا بيتأمر
خلاص مهاجر الدار
رايح للحبيب مغادر
سيبك أنت يا غادر
رايح للي إحسامي اختار
هدوب فيه كمان وانهار
وبدون حساب وبالقنطار
ومش كفاية ده أنا نار

هورية بالليل النهار
هدوقة حي الجبار
هعيشه سنين فوق أي اختيار
مفيش فيما اي تعب او إجبار
يشوف بعيني عشقي كأنيهار

بحر ومحيط ميقدرو يوصفه مليار
يا بشر قلبي بخطر منهار
أعلن الاستقاله غرق بالآبار
يا ناس يا بشر
انجدوا قلبي ده هرب مني وطار
قلبي طفل بريء مالميه الاستمثار
والله ما ليه بالألغاز ولا الأخطار
يا ناس يا بشر

الحلم

الحلم

يعني أنا وأنت وملتنا

وشوية حاجات بتجمع ما بينا

فرحة وضحكة وزعل يسكتنا

وضمه وحضن من قلب يملكنا

سلطان صولجانه لجام لأوهمنا

الحلم

جلاد لقسوة مالية كل تفاصيل حياتنا

سياف لرقاب الخوف يطيرها ويسيننا

طيار يسرقنا لنجوم السما بضحتنا

ومع أهل وجيران وأحبة يجمعنا

هو أنا وأنت ودينيتنا رغم فرقنا

الحلم

نسب الحبيب يبعد عن عنينا

ويفضل ديما سر كل حكايتنا

شكلا ببحي

..*.*

شكلي بحبك بدماغي
بدوب وأعشق وألاغي
بصراحة أنت شاغلي
ولجراحي كمان نسيتني
أه منك راسي بشقاوة
وعنيك أه حلوة حلاوة
مالك فيك إيه سرقي
سرك غريب والله دبحي
يا ناس حد ينجدني
يبعده عني اصلة دوبي
الأخ ساكت وبنظراته بيشغلني
ويقول مجنونه بحي بيجنني

محتاجة اكون لك

محتاجه لك
اكون لك
ومعاك
بجد أوي
محتاجه
أضمك
ألمسك
أتنفسك
أحسك
برد ونار
محتاجه
تكون قريب
جريء حبيب
وفوق المستحيل
تخدني
ملاك وحر

محتاجه
تكون قريبي
بضلك تعبقني
وتملئ سنيني.. خير وشر
محتاجه
اضيع ف هواك
اتنسى ف سماك
اترسم نجمه غرامك
اتحفر بسجل هيامك
اكون ليك صبر للمر
محتاجه أوي
أكون أمانك
نبره حنانك
وكمآن حلالك
أنا.. محتاجه لك

بتحبيتي بأمانة إليه

بتحبيتي بأمانة إليه واجهي ظنونك
وإيه ذنبي في جنونك وفتونك
لا شاورت وشاغلتك ولا كلمتك
ولا حتى في يوم لمحت بسيرتك
غاوية التوهان بضلام حالك
روحي فوقي وشوفي حالك
اخترت شريكتي بطلي غيرتك
سببني أعيش في هدوء وحياتك
ونصيبك مسيرة يجيلك
ويدق مخصوص الباب لك
كلامي معاكي والله عادي
وإنتي أ..... أ.. أختي عادي
مش اكترولا حتى أقل يا ستي

يبقى ليه تحبيني وتشاغلي سكوتي
ورسائل ملهاش لازمة ولا داعي
وفي قيمتك قدامي بتقليلي بدون داعي
بتغني وتقولي مواويل وغناوي عليا وعشاني
بتقولي فارس والهيام أشعارك وظلماني
على كل لسان سيرتك جايه بهيافة
ويا بنتي عيب خليكي تقيله بلطافة
وكأني الابن الضال... عليا ملهوفة
مشكلتك انك في الأوهام عاملة مكسوفة
طب احبك امتى... ولية.... وازاي !!؟؟
أقولك يلا بعيد... وحياتك مش فارقة ازاي

قلبك العفي

..*.*

أه لما تلاقي قلبك العفي
سبب لذل عايشه بالآوي
يرميك على اللي باعك ويخنقك
يجري وراه ولا همه حتى وداعك
مصريقتل روحك وعقلك
أدام اللي بالرخيص باعك
غيرك أه.. يشتري بالنفيس
وأنت يلا.. روح فطيس
قلبك المحتاس من ساس لرأسه
الغباوة جايه منه راحة ليه
وده يرضي مين يا ناس
القسوة خلاص بقت الأساس
ما هو قلبك العفي
هو اللي ذالك بالآوي

حب و تاف

صديقي قالي

الحب نهاية مشواره مش ديما جواز
في ضروري يموت من بدري لأنه إزاز
رغم جرحك لازم تعيش مكمل طريق الأغاني
ولو اختنقت دويمها باللي كان داء الأماني
انسي الي فات وحب من تاني
لذا قررت أعيش لحب تاني
بحب مختلف ملوش نهاية أوهمني
يكون سعادة لتعاسي هدية يفرحي
أحبك بوهم ده قراري يا مستكين
أسميك حبيب لأنك زبي حزين
إيه رأيك نقرب دي فكرتك
أحباب مش صحاب دي كلمتك
ما أنت قولت
الحب نهاية مشواره مش ديما جواز
الحب كلعبه ناروكتير آخره انهيار

مشاعر متناقضة

ليه بحس معاك..
بمشاعر متناقضة
أخوية على حب..
على أمومة فياضة
وكأنك حته مني..
نفسى أراعها
أحميها أحفظها..
وأفرح يوم بيها
بكرة جدا اسمع عنك..
شيء سيئ
وبفرح وبطير..
لما أشوفك متيئ
بدعيلك بالخير والرزق..
وبنت جميلة
تكملك نص دينك..
رزينة وعاقلة
ومعاك شقاوة بدلال..
ونعومة بليوننة
حفظاك رعيالك..

حباك بيك مفتونه
منا عارفة والله انك طيب
ورغم قساوة الوش حبيب
كلك حنيه وللقرب قريب
وبجد بجد..
بكون مبسوطة وأنت في الأجواء
أصلك عارف أزاى تراعى الأهواء
وبتجننى وتهدينى..
ولمزاجى مراعى ببساطة
وكأنك للروح توأم..
او حتى طفل كله لماضة
ويارب يخليك ليا..
ويبارك فى عمرك يا قرينى
يا أحلى ما فى أيامى..
يا قمر لياليا يا عيونى

لما أتت فاهم

حبيبي

يتقرب ويحكي بكلام كله ذوء
يدخل القلب يحتله بهدوء
أصلة فاهم وراسي أوي كده وتمام
لكنه غاوي يعمل فيها جامد همام
فارس وطاير راكب حصان هلكان
مغامر وبحار في مركب غرقان
رومانسي تقلب جد يزوغ
واقعي يحب موت يراوغ
مزاج جامد لكنه بلوه ومصيبة
ودنيتة ديما ماشية عجيبة
وعايز حبيبته تيجي تقوله غريقة
وهو بسرعة يحولها ألش في دقيقة
أصلة فاهم وراسي أوي كده وتمام
لكنه غاوي يتعبها ويعيشها ف الأوهام

كلمتين وحرف

هما كلمتين وحرف والباقي كله حرف
اسمع يا سيدي هما كلمتين وحرف
تيجي تقولهم على الرأس نشيلك
وبن العين نصونك ونشيل حمولك
لكن تخاف يبقى الباقي كله حرف
وبسهولة روح لحالك شوف قدرك نصيبك
أصل ما يلزمننا منك حرف ولا حتى حبك
كلام ممكن يسكنك والباقي خليه ع الطرف
أصل فيه كلام ممكن يسكنك
وعد وكتاب بدون كلام بصمت تفهمه
كلمة تعشقتك وتقولك جايلك في مهمة
والباقي ملوش لزوم خليه على الطرف
هيتعبك ويعذبك ما تفهمه ده رسول وصيني
كان أبه بعثني لسكته ارحموني وأبعدوني
والخلاصة في النهاية..
هما كلمتين وحرف والباقي كله حرف
كلام ممكن يسكنك والباقي خليه ع الطرف

بَيْت

بحبك..

صوت هامس مهوش مسموع

قلب كبير عاش موجوع

بحبك..

ضحكة عين تداري الجوع

فرحة طفل م الحياة ممنوع

بحبك..

حوار يجمعنا بكذا موضوع

قالب من غرام وحنين مصنوع

بحبك..

بعدد ما شافت عيوني دموع

أد ما صحيت من وحدتي مفزوع

بحبك..

حرف بسطرف عمري أنا مجموع

شجن من لحن غناويا بالإجبار مقطوع

بحبك..

أمل لحلم راح ومالوا رجوع

دعوة متخبية بين سجود وركوع

بحبك.. واقع وحلم بالآوي مدبوح

معشقة

يا حبيبة
يا معشقة
ومعشقة
جوه قلبي
كما الخردله
متثبته
ومفرعه
وواصله
لأخر مدا
يا حبيبه
يا مدفياني بالأمانى
وأحلامك المطبطة

يا اللي عمرك
كله طيبه
يا حبيبه
يا كتف
كله أمان
سحروحنان
وبعصايا سحريه
مغطيانى بالجمال
يا حبيبه
بحبك أنا

حبيبي

حبيبي أعلمني ببساطة وبتركيز في بوصلة عيوني:

عارف أنك عشقاني،

وكمآن قلبك بيدق في الثانية مليون لحن يوناني،

عيونك بتخبط أبواب قلبي،

تستدعي شياطين أنس وجن..

إذ ربما تسحبني لبحورك،

وأركب سفنك، وأترك أرضي وأماني،

فكراني ممكن أبعد عن ثبات قلوغي..

في شطي ومينائي، لاء أنسي..

هواكي بحر لا ليه مرسى ولا حدود،

ولا منه يوم خرج بحار ناجي ده غول ممدود،

يبقى ليه أرهن نفسي لنداهة عشقك،

وأنا قبطان أرضي وحياتي؟!،

حتى إن كنت برأيك كده عازف ناي..

نايم في مكاني.

وتاني ببساطة قرب وهمس بتقل وتأتي:

بحبك أنت يا حته مني

وأنت إيه؟ حبيبة صح؟؟

عارف أكيد عشقاني..

قولت: لاء..

قالي: لاء!!.. أزاى يكون الرد لاء؟؟

بصراحة مش فاهم.. صدمتني..

وكمان مش مصدق وداني

مش عايز إجابة واسمعي..

شُفتي أنتِ طله عينيكِ لما تشوفيني

ولا حركة طرف جفونك لما تلمحيني

وضمة شفايفك ببسمة أه مثيرة لجنوني

طب كمان هقولك..

لمس لمسه أيديكِ في سلام هادي حنون

ولا حضنك لنفسك وتمثيلك لدور متقون

وعنادك في أرائك كأنه أمر بكن فيكون

ولا.. ولا أقولك إيه؟! عارفه..

عارف أنك عشقاني رغم أي ظروف

لذا كان ردي بكل بساطة..

ابتسامة بدون أي حروف

أنت روعي عقله

حبيبي أنت
صوت سكاتي
وفرحي وسط.. كل الأهات
حروفي والكلام
الكثير المحبوس
في خنقه الأمنيات
خيالي.. رسمي وسعادتي
السما والنجوم
وكل الحاجات
روحي عقلي
قلبي وصمودي
وسط توهه.. الحياة
والمشكلة معاك
أكون أو لا أكون
خصوصا مع سماع صوتك
كل يوم قبل ما أنام

يا ملائكة

يا ملاكي وحصني من شر سوادي
قربي كوني بياضي وسر صمودي
يا عيون سرقتي وحببية بيا اسرحي
وأوعي يوم تيجي توجعي أو تجرحي
معايا حبي وعيشتي غردي واحلي
وجوه ضي عيني أتشهدي ونامي
ايوه بحنان أروي عذابي وضميني
نسيني يومي وسنين تعبي وهواني
وبحق ربك إياك تسيء بيا ظنونك
على سنه الله ورسوله أبوس جفونك
بدعي أكون رجلك وأقدر احملمومك
ما أغضبك ولا بيوم أفرح فيك خصومك

أزاي ولية

..*.*

أزاي ولية
حاجات كتير ما بينا تهم
نكون سوى شئ مهم
ما هي الدنيا إيه
غير إننا نكون سوى
تلمس أديا شئ مهم
توعدني بقرب شئ مهم
تحبني أكيد مهم
تموت وتعشق عيوني مهم
إياك تقول أزاي وليه
ومش مهم أية مهم
وأنت معايا كل شئ
أكيد مهم

قلبي فاضلي

..*.*

قلبي

فاضلي ومش فاضلي

يعشق كتاباتي وحبیب قاضي

قلبي

بيحب ويأسي

وحيبيه عامل ناسي

قلبي

أناني ومغرور

لكن طيب وحنون

قلبي

بيحب الصعب

ومع ذلك يبرق ويدوب

قلبي
بيحبك أنت
لكن لاء.. أنت ما حبيت
قلبي
تعبان حيران
أصله فاضي مع حبك
قلبي
فاضي ومش فاضي
بيحب ومش بيحب
قلبي غلباوي وبجد يستاهل الضرب

نزوة

مجرد نزوة
وعدت
تضيع وقت
لحظات عابرة
وياه راحت
ضاعت
مشاعر واهية
فراغ نملاه
قصر خيالي
بنيت بهواه
أحاسيس
ومشاعر
خايبه وغدارة
خدتنا حتى من
نفسينا بكل مرارة

وفجأة فوقنا
وورانا دماره واقعنا
دمعنا وبكيننا
موتنا جوه نفسينا
واهو طلعت
مجرد نزوة
لمزاج عالي
تضيع وقت
لما يفرجها
علينا المولى

متسألش متقلقش

متسألش

ومتقلقش

شوية الم

شوية جراح

شوية أنين

في يوم يمشوا يروحوا بعيد

ما هي الدنيا كده دوالي تعيد

شوية سهر

شوية عذاب

بعدهم شوية

فرح وهنى

متسألش

ومتقلقش

وقت يعدي

وأداوي نفسي

وأرجع بخير تاني

ما أنا أنا رغم اللي كان
عارف جرحي ودواية
عارف ضعفي وقواي
صحيح مكنتك من حشايا
لكن..
متسألش.. ومتقلقش
من زمان
وأنا حاسس الفراق
جرحك سبقك بالحضور
قبل الزمان بزمان
وهيجي وقت..
أنساك وأكمل وأعيش حياتي
ها بقى تمام في عمري الاتي
متسألش.. ومتقلقش
مجرد وقت قصير
وأرجع أقوى وبخير
متسألش.. ومتقلقش

اعترف أنه ظلمتُ

جاي بكل بساطة تعترف
تعلن وتقول إنك عارف
بقسوة خيانتك وجارح بإحتراف
حلفت كدبت بقدره مخفية
قدمت حب وغرام وحنينه
حنان أمان ضاعوا في ثانية
قولت ليكي بقلبي سكن وقرار
كذب وخداع مثلت فيا الانصهار
جارح أناني وحبك كله مرار
قولت شاعر ساحر حبيب
قلب أبيض صاف عجيب

وإني حنين بريء وقريب
قولت بتعلم الحب من طيبتك
قربت وما قدرت تحتويني وسامحتك
مخبي ظلمك غدرك وحتى خيانتك
قولت معاكي إنسان جديد
أتاري من البداية ناوي تغدر
دلوقتي اعترفت ونادم بجد
عايز تاخذ مني انتقام حزين سكاني
انتقام ملوش ملامح لكنه بيداوني
عايز بابتسامه وش لوهي تسلبني
جاي تعترف أنك خنتني وظلمتني

حبيب وزن الفيل

يقولوا عليا حبيب وزن الفيل
ومقضمها حنين وغرام طول الليل
وكل يومين مع واحدة ومسوي الأهوال
وكله على الفيس ومبدع في كل الأحوال
وبنات غرقانه بعيوني أكون بن البحطيظ
في بحوري ديبين وكأني محيظ ولا حويظ
يا خونا اسمعوا متي دي كلمة ضروري
القلب والعمر عمري ما أسلمهم غيبي
وحبيبيتي لابد أشوفها
وبعنيا وعقلي اختارها
أنا قلبي صخر جامد متجلد
ومفيش واحدة تعاند وتفكر تتبلد
قلبي خشب في خشب يغطس لبعيد
ومن ثاني يروح طاييف ويكايد

لسبني أروح لدا والها

قالوا

بيلعب بال ٧ ورقات

يا بنتي ده بتاع بنات

تعلب وسط الفرخات

لكن.. قلبي رفض

عند لغرض

وبالغباء مرض

وقال.. ده حنين وطيب

قلبة ابيض ما يتعيب

من زمن فات ده حبيب

عايزة قدرتي وكمان نصيبي

حبيبي وخليلي

وأدينا...

شهور وعدت أهي

وطلع حبيبي ساهي

وسبني أروح لدواهي

جاهلین ومنیر وانا

جاهلین قال لیه یا حبیبتی ما بینا دیمما سفر
ومنیر غنی بتبعدینی عن حیاتک بالملل
یبقى لیه یا حبیبتی تتعبینی وتبعدینی
تفکری فی المشاکل والزعل وغربة وتفرقینی
قدر ونصیب مکتوب علی أدیکی وجببني
قلقک وحزنک عمرة ما ها یمنعه ثانیة
احلف لک بأیة إنی بحبک بعشقتک یا غالیة
بعزک ومقدرک والبعد عنک ما فکرت فیہ
ولا دورت علی الهجر والغربة ولا بديل لیکی
أدیني فرصة وأمل وبكرة الحیاة أحلی بیکی
بلاش فی النكد والحزن تنکشی وتبکی عنیکی

بيننا إيه

بتسأل ما بيننا إيه ما تسأل نفسك
حيران تايه وشوية وتبكي على حالك
مش فاهم مالك وإيه جرى وحصل لك
محتاج أجازة تفكر وتشوف كل أمورك
حاسس بفوضى وفراغ بيجري جواك
هوا يصد ويرد وسراب وتوهه ملياك
مش لاقى ولا حاسس أي مشاعر لهواك
بتسأل في ما بيننا إيه مش حاسس نفسك
عايز تبعد يمكن تنسى وترتاح من تعبك
أو تعرف انك بتحب بجد وترجع لحبيبك
بتسأل عن الإجابات وكأنها أُلغاز لحياتك
برحتك يلا وخذ بالك مضطرة اعمل زيك
يسأل ويستغرب هو صحيح في ما بيننا أيه !!!

فوق المليون

فجأة حسيت عمري مليون
لا يا سيدنا ده ديشليون
عنف وكره حب وغرام
سياسة جنون وظنون أوهام
حلم جميل يداوي الملان
تحول لكابوس فيه غرقان
سنين عمري تضيع وأنا مههور
تفلت من بين أيدي زي النور
سراب شفته بيلالي يوم
أتاربه بوم وسط غيوم
أحلام وأماني ديما عندي
تتهد أبدء غيرها عادي

وسط الزحمة تخنفي وتضيع
راحت فين ولا نعرف يا وديع
ديشليون حاجة تمنعني أعيش اليوم
تسرق فرحي وهنايا وتمنعني النوم
قسمة ضهري جنب الصفر توقفي
مجرد صفر شمال والأوهام حكمانني
كل ما أقول يلا يا هادي ساعدني
القيني عايش في بحر الخوف بكيانني
قدرني يا ربي على قسوة وظلم
سواد معبق بالقلب دخان موت
وأعمل إيه
فجأة لقيت عمري فوق المليون



فريق جروب

عصير الكتب

<https://www.facebook.com/groups/Book.juice/>

هذا الكتاب حصري على جروب

عصير الكتب

انضم الينا لتحصل على كل ما هو جديد

بعتذار

بعتذر

الأول لنفسي لكل سذاجة غلطتها
ودلوقتي مش بقدرتي أعالج مصيرها
لكل اللي دخلت حياته
وفجأة هربت وعني بعدته

بعتذر

لكل بنت افتكرت أني حميتها
وظلعت في الآخر بقسوة أذيتها
لكل قلب قربت منه وإليه
ومقدرتش بجد أحافظ عليه

بعتر لنفسي
لأنني بيوم حبيت
ولجراحي نفسي سبت
لحي اللي عن الواقع بعيد كتير
خيال نهايته خيانة وضياع كبير
بعتر

لحلي وطموحي وأمالي العريضة
كانوا خيال مقدرتش أحققه
لأهلي وأخواتي والله بضمير
لأنني مكنتش الابن المنتظر
بعتر

لحياتي بنهايتها وختامها
ولربي والدنيا كلها

حكاية حب

حكايتي إني حببت في يوم
حب سارح بالسما بين النجوم
حب متغطي بلحاف الغيوم
عشت معاه إحساس مثير
ملكته قلبي وروحي بضمير
نصبتة لأيامي وعمري أمير
حب كان حياة وخيال
زهور وورد ملهاش مثال
خلى إرادتي تفوق الجبال
لكن للأسف.. بالنهاية
كان مجرد..
برافان حب وحبيب
طفل بأيده قلب
لونه بزيغ غريب
مكنش حب
كان.. خداع وكذب

أنا مش ملاك

مش ملاك أنا..
ولا منزل من السما
إنسان طبيعي عايش بينكم هنا
الدنيا شكلتني..
وربتي بالأوي
تحاسبوني ليه كملاك مفترى؟!
بغلط احتمال وارد..
مش بطل أنا
فمها إيه؟
بشر بالمختصر..
إحنا كلنا
حببت ومقدرتش..
أصون حمها
حببت ورحت لتانية..
أتجوزنها
بعشقك يا سبب جنوني..
قولتها
ما كنت أد وعدي لكن..

وعدتها
الحب لعبة معشقة..
جوه أيامنا
تفوت وننقل لغيرها..
بدورة حياتنا
الحب مشاعر تجري..
نجريها
شوية ونتعب ما نتحمل..
لهيها
قولولها حي غيره..
وللدنيا عيشي
حي بالعقل لمنتهاه..
وحياتك كملي
ما كثير بتحصل..
وبجد عادي
مش ملاك سيبوني ف حالي

قررت أحون

قررت
بكامل قواي
وضعفي
ليك أحون
روحك وقلبك
عقلك ولمستك
قبل العيون
رغم دعوتي
أكون بحبك
موعود ومفتون
إلا إنك قاسي
وبتقلب بثانية مجنون
وأنا كنت فكرك
عطوف أوي وحنون

طلعت أنت غاوي
عذاب لدموع
الجفون
كأني عدو
قررت تدك له
الحصون
ترفع رايات نصرك
عالي وتعلني
مسجون
لهذا وبناءاً عليه
قررت ليك
أخون

نيسب عمرو

حبيبتي...

بكل هدوء وعقل سمعت الكلمة وقعدت

أتفرج حوليا على الدنيا لما اتعقدت

وخايف اصلها...

وخلاص أدام عيني

ويا ناس راحت مني

فزح متغلف بسكوني

وأهو...

عمرو متقدر من الخالق راضي وسمعه

نصبي وساكت رغم إنها صدمة مريعة

وسؤال بيدور...

الناس تسأل وتقرب مني تهديني

وانا عارف خالقها بيها ارحم مني

ويقولوا اهدى...
طب أنا نطقت منا ساكت لا صرخت
ولا اتكلمت ولا بكيت ولا اتعصبت
حبيبي راحتي..
سبتي لوحدي مع صوري ودي دمي
حكاياتي وأحداث يومي أعيش وهمي
عمري..
وبشوفها في وشوش الناس
أماكن جوايا كما الوسواس
وفي إيه...
سبتي لوحدة وفراغ بيموتي
سواد بيزيد حوليا بيخنقني
ويارب..
بدعيها يرزقها الفردوس الأعلى
وانا مين بس معاها هيدعيلي

ياا رب...

مين باديه يعيني على غربة أيامي وسنيني
دي لياالي هعيشها طويلة بدوامه تحيرني
وعايزني أتكلم واطلع لهمومي ومكنوني
وأقول إيه..

حكاية وخلصت في ثواني واهواده حالي
عايش مش عارف اهرب من جمرسؤالي
يارب حبيبي..

وأنت الأعلم بيها وبيا

وأنت الأرحم بيها وبيا

وأنت الغافر لياها ولبا

يارب..

إنت القادر تجمعني بعمرى في يوم تانى
يا ناس حبيبي وعايز أعيش وياه من تانى
وده حبيبي وراح منى في ثواني

لنبي

أنا بنت جنيه وشقية عفريته
معجونه بمايه نارومتغطية جنيه
والأحبة اسقيه غرام وأنور بيته
وال يتعبي أجننه وأقلب له عنيه
أجارك الله

عاقلة وراسية ودماغ يا كبير
بريمو وطبخي آه يا لطيف
مجنونه وضاربة بشكل خطير
وأنسى تضايقي وتعملي خفيف
الله الله

أه من ضحكاتها

واه من ضحكاتها..
البريئة يا واله
تخدك بعيد تدوبك..
في قلب الوله
ملهاش مثيل برنتها..
موجات دله
في بحور عينها..
تشعلقك
ولكوكب بعيد..
تغرقك
ولورود غرام العشق..
تدوقك

ضحكتها تيار في شلال..
منهدر
سحابه تعوم وسط..
غيابات القدر
تعيشك بالجنة مهما..
صحبك غدر
ضحكتها جرف عالي..
نازل من السما
نور قوته هاله من..
النجوم وحمّام الحما
راحة طالعه من جوه قلب..
عيون اللما

الوداع

رحت ضربت الودع..
قالي يبني ده أمر وقع
رجع فلوسك بلا وجع..
بعيد أنت عن الشقع بقع
واشي يسوي الودع..
لوش اندعج وأتوجع
ومن همومه أتصرع..
ضهره انحنى وأتوجع
رحت ضربت الودع..
رجعني كسير الجدع
واه يانا من حب..
قتلني ودوبني دوب وجعني آه

حب ساكن بجسم يتمايل..
مع الدف يعزف الآه
وخصر يقتل وينقلني..
لسما ونجوم تغني الآه
الليل بيغير ويغني بنسيمه..
بين شعورها واه وآه
بكل مشاويري أشوفها معايا..
ويايا تداوي الآه
يا خصر خبرها روقي شوي..
القلب تاه بسكة الآه

بهيمة

ويا بهيمة وخبريني عن عشقك..

وعن اللي قتل ياسين

قولي كيف حيّتي؟!

وبقلبك جرح نازف يقطع بالجوف

يا بهيمة خبريني..

كيف أعشق وأدوب من غير خوف؟!

قلبي عشق شاب حليوة..

اسمرو وصبح مرجوف

ملك روجي وكياني..

عقلي ليه بقى مخطوف

حبيته وهويته..

دوبت يعنيه وبقى ليا الروح

لكن عزالنا كادوا وفرقوا..

يا بهيمة كيف أبوح؟!

كيف أوصلة..

من غيره قلبي بيموت ويروح؟!

قتيلة.. معشوقة والله بلاه..

أنا مدفون مدبوح!!

خبريني كيف..

بعد الحبيب يهون وكيف أراضية؟!

فين أراضيه وأنا والله..

ليه أروح وأفوت ولقلبي أداوية

في غيابة ما فارقني قلبه..

هنا وبياي وقلبي هناك بحمية

كيف اهرب من الدنيا؟!..

وأروح أداوي جرحه وأحييه

يا بهية خبريني..

كيف قدروا علينا العزال؟!

كيف أعدي بحور الكيد..

وأهد سد العزال؟!

واه من قلبي المجروح..

حس عمري مال

روحي بتفتت لنتاير..

وحبيبي عني ما سأل

أه لو يسمع قلبي وشكاويه..

أوروجي وحكاومها!

بعنيا راح أسقي روحه الفرح..

وبلمسة اشفيها
دي النظرة لعيونه تحينا..
وتعيد للروح جمالها
واه آه من ظلم وجرح العزال..
وسواد حقدھا
يا بهية تعالى اشكي لك..
وأبوح باللي بقلبي من السنين
ويا بهية خبريني عن عشقك..
وعن اللي قتل ياسين

الزبين

..*.*

أنا الزبين اللي عجبه..
حاله ومحتالة الكل يحبه
جدتي قالت لي..
يا غاوي أخذ قلوب البنات لعبة
يا واد أنت خف..
دول ولد ناس زينته وراسية
حرام تدويمهم وتسرقهم..
دول بسهولة وقعوا في الغية
يا جده مالي أنا..
هما اللي بيعبوا الملاغية
ما يصدقوا يسمعوا كلمتين..
ويسرحوا بحنيه
لا ضحكت عليهم..
ولا وعدت في يوم وحدة
اللي عملته يدوب..

ضحكة وكام غمزه يا جده
وقعوا ودابوا وغنوا فيا..
أشعار ومواويل محبة
حبالي طويلة بطول البحر..
يا جده كلها غربة
مالي وعتبات البيوت..
دلوقتي أي غيه
أنا عاشق بطير مع طير الصبحية
أحب حريتي..
والندی والضحك والفرقة
أدوب بالملاغية واكره..
الشينه والعفشه
البنات ألوان وفواكه..
أموت باللعب والمدادية
جدتي حنني قلبك..
متدعيش بقسوة وحدية
كيف تدعي على ولدك..
يقع في حب صبية
كمان تعلمني الأدب..
وتبعدني عن أي بنيه
والله ظلم أنا العايق الزينة..
مدوب قلوب البنية

يحي يوم أقع أبدا ولا يمكن..
يا جده الحب حرية
أحبك أنا يا ست الكون..
بيدك أنتي هترفيني لعروستي
مش أي عروسة دي..
بنت ناس ذوق وتنقية يا جدتي
أحلى وأغلى الناس..
يا غالية وعالية يا جده واللي ليا

الحليوة

..*.*

قرب شاب حليوة مني

قالي يا غالية..

تعالى قربيني

معجب دايبة في عينيك..

جفوني

قولي كلمة حلوة..

دوبي وحبيني

لأشعاري وكلام حلو..

غني سمعيني

خدي بردي وسلامي..

وهدوني مني

يا حلوة حني على قلبي..

وتعالى دوقي

دوقي الجمال والحب..

من أيدي دوقي

قربي وضحي قلبي..

وحبيني أوي وروقي
عيشي معايا وانسي نفسك..
والدنيا وأغرقي
اغرقي في بحر حناني..
أنا ريدك مي ما تفوقي
دوقي الخيال وأحلام الصبا..
وعيشي ما تفوقي
شوفي حلمك معايا حقيقة..
أتخيلي جنوني
حلمت..
وعدى يوم وعمري..
في يوم عايشني
عشقتة ونسيت الدنيا..
ونمت جوه جفوني
عدت وراه أيام ناسية نفسي..
بهدوء نومي
فجأة صحيت
ما فيا غير هدومي تعلن..
وجود همومي
روحي راحت وقلبي مات..
تمن ظنوني
قتيلة أنا لغدره وظلمة..

لقلي وعبوني
حببته أوي..
وغدر هو بالآوي
خاني..
وبالرخيص باعني
اشتري غيري..
وقالي روقي
كانوا يومين قولت لك دوقي
دوقتي غرامي خلاص
روحي وأنسيني
أو حتى موتني

الصبيبة

أنا الصبيبة مالي شبيهه..
زينه شهد محلي الدنيا
أمشى أهد جبال واثقة بحالي..
متحني رجليا
أحب وأعشق تحلم وتتخيل..
أبدا ده شيء محال
ما أحب غير اللي يدق بابي..
من أهلي يطلب الوصال
راجل بالأخلاق والعقل..
موصوف يطلب يديا
أسمر هويته وعمره..
ما يلعب بيا
أهلي وخلاني إدامة رافعين الرأس..
منا العاقلة الهدية
واللي يشتريني بالأدب والأصول..
أكون له بالحب جارية
أعملة لراسي تاج وأملكه دنيتي..
سي السيد يأمرني وأنا متهنيه
معاه أنا أمينه ولا شيء يغضبه..

ما اقبل إهانه ولا أزعل من الحق..
بعون الله منا على الصبح متريبة
لويغوييني ١٠٠٠ أنا متحملة
يحافظ عليه أصونه..
وبالأصول أعين..
وقت الزنقة والحوجه..
والله أشيله
أنا الصبية الزينة والعاقلة..
اللي أكون له..
داعية له أمة..
ما أنا في الخير ريسة
أحب الدلع والفرشرة..
أشغل وألعب..
أعاكس حبيبي وأكون له..
حبيبة متمرسة
مؤدبة ومراعية لكن..
مع اللي يستاهل..
ويملكني بالأصول..
محبش البدع
ده أنا هدية..
أهلي ربوني على القيم..
ولهم حافظة الجميل..

أوي يا جدع
أنا الصبية الزينة..
شايفه حالي يا جدع..
لكن بالأدب والأصول
تشوفني تقول مدلعه..
لا تقدر على بيت ومسئولية والأيام دُول
تسأل عني تعرفني..
تدخل البيت تلاقني..
ليك أنت الدلع
أنا في المسؤولية جمل..
مالي مثيل لافي..
الجد ولا الدلع

ست البنات

بتسأل وتتعجب عني وعن..

حيي وسري

دي ست البنات مالكة..

عشقي وأمري

بناديها يا ست البنات يا غالية..

يا أم نظرة سارقة

نظره منك دويتني في ثانية..

ملت القلب بحرقه

يا قدك القاسي..

مرسوم بسكين حده يقتل

رحت وياكي للسما السابعة..

بيكي أنا محتل

عشقتك وهويتك..

غنيتك في أغنيه

مسكت الربابة وليكي أني..

قولت غنية

ست البنات أسرتني..

وفوق بالعلالي
ولبرجك كيف..
اطلع ولا أطيّر؟!..
دوبتني وسرقتيني..
من خلاني وأهلي
يا ناس دلوني كيف لهما أوصل..
وأنا حالي بسيط..
وعشقت القمر
ماني غني..
ولا بالريش والذهب متغطي..
قلبي حب ومالك الملك أمر
شكلي هروح فطيس..
وأموت غريق..
ببحور حورية من الجنة
لاء دي عروسة بحر..
على الأرض بتتمشى..
تغني يا تمر حنة
يا ست البنات ريحي قلبي..
نفسى أنول الرضا بنظره
نظرة تريح القلب الدايب..
مالو ذنب رايد بس نظرة
والله لجيب كل..

أهلي وخالاني وأصحابي..
أقف على بابك أدقة دق
أقول لأهلك يا ناس غيتوني..
من قلبها القاسي..
عشقتها وبريد قلبها يدق
والله لخطفك..
واخببيك جوه ن العين..
يا ضي العين..
يا قنديل يقيد سمواتي
وأقولهم والله..
ما شوفتها ولا اعرف..
طريقها وين واشي أسوي..
يا بت انت حياتي
يا ست البنات..
يا حبيبة القلب والروح..
نسجتك جوه قلبي..
بيت كله براح
أعيش فيه..
بتمناكي تكوني أم لعيالي..

اخرج مطمئن كل يوم في الصباح
وأعيش معاكي فيه..
ابعد واقرب وارجع..
تاني فيه اسرح بعقلي
يا حب العمر..
يا سرقوتي وضعفي..
ما أنتي أنا يا كلي
يا ست البنات..
بناديكي حني ورقفي..
وانظري للعاشق الولهان
يا ست البنات..
يا حلبي وحببية..
عشانك أنتي..
راح أهد جبال عمان

غناوې

عمال بيغنيلى العشق..
في غناوي
وكلام كله غرام مروى..
في حكاوي
وحرروف بنت عم حديث..
يتداوي
وأنا ولا رايد الحب ولا حتى..
غاوي
وفجأة لقتني عاطي وعد..
ااه خاوي
القلب صبح منه مكتفي ومكتوى..
بالاوي
كان هايص تعب بحياته وأتفتت..
لحصاوي
وأتاري الحب حاجة صعيبه كما..
الحاوي

دا اللي غاوي العشق لا..
طبيعي ولا ساوي
مأسيه مروية بغناوي يا بوي..
مليانه بلاوي
مقدرش عليها ولا عليه ولا..
لطريقة ناوي
وبسببه غصب لوعودي..
بقيت خلفاوي
وادينا قاعدين تاني نسمع في..
غناوي وحكاوي
ولد عم حديث..
للقلب والعقل بده يداوي..
يا قناوي

يا جدد

تعال يا جدد
يا سارح في خلق الله
يا تايهه في ملكوته
تقول يا حول الله
هاتولي صبيهه فيما الدلع
لكن بالأصول عملاه
ملها الدلال يا ودع
وأبعثها لطريقي
نعيش سوى الحياة
عروسة بحر تايهه
وسط موج الإله
ماني عويم
ولا صياد
يا صدف
أنزل وراها
بحور الغرام

ساعدوني يا هوه
بشبك يجيها
لحدي
أتوجها ملكة
وأنا ليها حماه
يا خلق الله
عروسه بحر تايهه
قولوها الجدع داب
ناطر لنظره
يا حول الله
ميता اللقى
يا صبيه
يا أحلى
خلق الله

مال

..*.*

مال الناي ووشوش على..
أوتار ربابة
قال أنا مغرم ودايب..
بألحانك صباية
القلب غرق بعيون صبية..
يتمناها بابه
وآآه منها حليني غنيت..
بعشقها بقوة
معاها الحياة حكاية..
رواية حلوة
ومن غيرها ولا تسوي..
يا غنوه
لكن أباه..
سابقه التقل عليا..
الجميلة
قربي يا بنت قلبي..

يا أم العيون كحيله
حني على قلب..
داب وغي..
يا أصيلة
يا ناي ما تنطق قول وغي..
معايا ١٠٠ مروية
يا ربابة اسمعي..
زيني غناويه..
المستحيية
يا قساة القلوب..
أفهموا..
حسوا أني..
عايش بغية
أه لويوم ألاقي حبيبي..
فيا يغني غناوي..
يحنيه
واه يا ربابة..
وأنت يا ناي..
شعلتوا بينا النار..
بغنية

أم الرموش والراحه

يا صبيه..
برموش وخدود تديح
ميلى عليا..
تبغدى وزيدى
قلبك قررت..
أخطفه وأريح
وتكونى..
قدرى وملك أيدي
حبك شلال جواتى..
يسيل
وعشقتك ملانى..
ووصل للوريد
هواكى بلسم..
للغل يشيل
وصالك دوا..
شفتك عيد
يا أم..
حواجب مدقوقة..
بوش عايق

وف بحر عيونك..
الناس دابت
شفافيف يا لطيف..
تقتل خلايق
وبالكف المحنى..
روحي سابت
هويتك أنا وعشقتك..
ملاني خدر
يا صبية تسحر..
كأنها نداهة
صبحت أقول كلام..
ولا الدر
حني على قلب..
عشق الأهة
والقمر

يا حمام

طير يا حمام..
قولة قلبي في قلبه ساكن مستني التهادي
طير للعلالي ما يهملك ريح ولا جبال..
حبيبي عمرة ما يحادي
قولة حبيبي مشتاق..
شجوني وجفوني تستني تقولي تبغدي
يعبروا عن عشقي وهيامي..
ده عاشقني لجدود جدودي
غارق في بحوره مالي سواه..
يملى عيوني ده زادي وزوادي
طير يا حمام..
ل فوق وأعلى بالسما..
أذن فوق كل المآذن جمع الخلايق
يصلوا ويدعولي بالقرب والتلاقي..
ده حبيبي والله لايق
جمع الطيور والزهور ونسائم الصباح..
بس يكونوا ببال رايق
رسمته وشم جوه القلب يعوضني رؤيته..

ويطفي الحرايق
خبره باللي بالقلب مستني وجودة..
بلاش في دلالة يكون سايق
ويوم ينظره يعيش من تاني..
الفرح والهني وبيه يتعايق
طيريا حمام..
ده حبيبي يا طيري..
العشق والذات جوه الأمكنة بعيوني
ده غرامي المضوي سنيي..
حرقتي في غرقت سنيي
ده سحاب مغطي سمايا بلون..
ابيض سماوي يهنيي
ده اللي عشانه..
كعوبي متحنية بطين ارضي وحنيني
حبيبي مالك سكوتي قبل صوتي..
وكلامه يرويني
طيريا حمام..
حنن قلبه كمان وكمان..
على قلبي المدبوح بسكينه
أشكي ليه غربتي..
وسط أهلي وخالاني بغيابه وسكونه
بلغه..

ضعت وسط ناسي..
واتولدت على أيديه وفي حضنه
بلغه..

حي وانتظاري مهما طال غيبة قلبه وعيونه
أوع تتأخريا طيري لأروح لقبري ضحية سنينه
يا طير طار ونسى أهله..

متى التلاقي يا سربيه مسجونة؟!
ده هو حياتي..
وعيونى داره..
وقلبي ليه سكن ومدينه

مضطر أقولك

حبيبتي .. أسف
مضطر أقولك
أنتي وجع
حبك وجع
قربك وجع
هجرك وجع
بسمك وجع
غناكي وجع
وأنا واحد شاف العجب
أنجرح .. آه من التعب
أقطع .. وبيه أتلعب
وبدون سبب ...!!
أغدريه واتخان
حَب زما!!!!!! ان !!
بس الأخر كله هوان ...
أصلها طلعت مش تمام ..
أنا إنسان كثير أتوجع

طب يرضيك يا غالية ليا الوجد ..؟؟
أنا واحد محتاج إلى يسقيني الشبع
يملى أيامي وليالي من غير وجد
وحبيبيتي ...
من نقص حنان بتعاني
أه بتقولني نقصك جاي
من انك تدي مش تاخدي
لكن يفضل جوايا منك نقص ووجد ..
ايوه أنا كمان مش هنكر وأكابر
وعشان كذا نكمل مش راح نقدر
وصدقيني مش غادر
أسف .. حبيبيتي ...
ما بينا خلاص أتكتب البعد..
وهنفارق بعض لازم ولا بد
ما هو مش معقول
كل ما اقربلك في الليل
القيكي تبعدي وبتشكي ...
ولما أبعد تيجي تصالحي
وكمان تبكي وتحكي
حبك وجد
قلبي أتوجد
وخلاص مش راجع

النمل

..*.*

يا مايا ادعي لي ابعده عن..
قليل الأصل ده ديما بينادي
اهرب من واحد الاقي الثاني..
بيبيع في زوادي
وأجي اعتب واللوم يقول..
أنتي اللي سرقت نومي ورقادي
دوبني وغلبني بدنياي..
يا مايا كلامنحي وعاشق لعنادي
ملاني حكاوي مالها أول من آخر..
ولجروحي بهادي
اجمع لماتي وأروح أخذ لحقي..
يقولوا عليا بتعادي

ضميني قلبي المتعافي أتحجر..
راح يرضى حسادي
أقوله يا قلب ارحم..
مالنا عازه إحنا بوادي وهو بوادي
يقول ابعدي..
حبيبي ومالي الاله..
يجري ليه ويتمادي
أمايا الحقي ضناكي..
خبيني الموت عندي بقى عادي
دي الجنيه سرقتني..
والنداهة بتشاور ما قادرة أفادي

وشوشتها

حبيبتي ميلت على ودانها..
وشوشتها بخوف قتلني
يا يما قولت لها كلمتين غصب..
وجعولي قلبي
بقيت كيف المدبوح بسكينه تلمه..
زلزلوا روحي
قولت لها يا يما..
مالي فيكي أنا نصيب يا ضي عيني
بيني وبينك جسور وبحور..
ما أقدر أعدمها
وربنا المعبود وحياة العمود..
بدعي ربي يهونها
قلبك العاشق..
والله ما كنت ناوي اغدر والأوع
ولما أنظر دمعك..
على خديك والله قلبي ينازع

قدر الله وما شاء فعل..
اللي يبببة ربي يكون
يا حببببة هو في غيره..
ليه حكم على الكون
قلبي بعيد عنك..
يتقطع ويتلوع
واشي أسوى..
وأنتي حبك ببا مزروع
كيف اقطع جذره..
من جوه روجي علميني
أعيش أيامي الجايه..
من غيرك كيف خبريني؟!
روحي فداكي وقلبي ليكي..
مرسى والله وأمان
يا سفينة مشرقة ومغربة..
بعمرري في كل زمان
جوه مني منار يضيوي ليالي..
بنيته بقناديلك

حفرتك بير غويط..
يسقي زرع أفراحي بليلك
طب كيف أعيش بلاكي..
يا منيه القلب
والله ما بيدي حيلة..
عني ببعدك غصب
ويا صبر قلبي صبر..
على ما صابه ما اعترضت
ده حكمتك يارب وبحكمتك..
رضيت وما أبيت
أحبك أهواكي أعشقتك..
لكنتك تفضلي محرمة
يا قلبي اثبتت..
ما تقتل بزيادة اللي بيك مغرمة
يا حته مني غصب بتزعها..
وعن سنيي بعدتها
الله يسعدك ويرزقك..
وما تشوفي من الدنيا أوجعها
يا قمر منور الدنيا والكون..
عشقتك بدر وقمر وهلال
وسامحيني يا أرضي وناسي..

كنت طالب الوصال
وغصب عني بعدت عن طريقك..
منا الليلة قتلت إحساسي
منا وأنتي..
ما عدلناش نصيب وفرقنا القدر..
يا قمري ووناسي
سامحي قلب عشقك لكن فراقه..
قدراكتب على العاشقين
واهو قالوا زمان..
المكتوب على الجبين لازم تشوفه العين



فريق جروب

عصير الكتب

<https://www.facebook.com/groups/Book.juice/>

هذا الكتاب حصري على جروب

عصير الكتب

انضم الينا لتحصل على كل ما هو جديد

النهاية

قناع حنان مليان غدروخداع يا دي المصيبة، ناقصة أحب وانخدع
وأطلع عبيطة يادي العيبة.

ده في الأخير طلع طيبة قناع وأنا الغبية، خداع متغطي بضحكة حلوة
حنيه، بسمة صفرا محشية غدروقاسية، لمسة حلوة مليانه سم قاتل
أذية، حتى كلام البراءة طلع يدوب تمثيلية، والحب والغرام أنسي يا
سيدي رواية.

ومش مهم قلب مين يتكسر، ولا روح مين تضيع وتتحسر، المهم
فرحان سعيد بمهمته، وريح بالة وقلبه وعقله بمحبته، ومش مهم يلا
راحت في داهية، حد قالها تحب وتعيش دور الحبيبة.

ده كله ليا أنا!! طب ليه؟؟

عملت إيه؟؟؟!!

بس تعرف!!

كنت فكرة إني حبيبتك بجد!!!

وإني كمان حبيبتك بجد!!!

صدر للكاتبة

رسائل "يا أنت.. أنا" - طبعة أولى دار ليمان للنشر والتوزيع ٢٠١٤.
مجموعة قصصية "روح وجسد" - دار أكد للنشر والتوزيع
٢٠١٤.

رواية "شهرنان" - دار غراب للنشر والتوزيع ٢٠١٥.

شاركت في الكتب الجماعية:

"سكرينات" - دار بوك هاوس ٢٠١٤.

"فراشات عاشقة" - دار أكد للنشر والتوزيع ٢٠١٤.

"الموسوعة العربية النسائية في القصة القصيرة" دار النابعة ٢٠١٤.

نصوص "إليك أنت" ٢٠١٤ - حروف منثورة للنشر الإلكتروني.

نثریات "ليل والحياة" ٢٠١٤ - حروف منثورة للنشر الإلكتروني.

خواطر "كلمات" ٢٠١٤ - عصير الكتب للنشر الإلكتروني.

خواطر "بهية" ٢٠١٤ - عصير الكتب للنشر الإلكتروني.

للتواصل مع الكاتبة

<https://www.facebook.com/Enjy.A.Metawea>

<http://Enjymetawea.blogspot.com>

اهمية



فريق جروب

عصير الكتب

<https://www.facebook.com/groups/Book.juice/>

هذا الكتاب حصري على جروب

عصير الكتب

انضم الينا لتحصل على كل ما هو جديد

2012

عصير الكتب للنشر الالكتروني

